



გამარტივებული ელექტრონული ტენდერის
დოკუმენტაცია

ქსელური მოწყობილობების
სახელმწიფო შესყიდვის შესახებ

CPV 32400000

2016 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #8 ბრძანების შესაბამისად.

1.2 ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: ლევან გაგუა ტელ: 2200-122 (701); 577 50 04 09; ტექნიკური კითხვებისათვის დაუკავშირდით ბექა წიკლაურს ტელ: 581 00 42 17; 2200-122 (888), E-Mail: procurement@scs.gov.ge

№	საქონლის დასახელება	ტექნიკური სპეციფიკაცია	განზომილება	რაოდენობა	ტენდერის სავარაუდო ღირებულება დღგ-ს ჩათვლით (ლარი)
1	ქსელის კაბელი	კაბელის ტიპი და სადენების რაოდენობა: FTP Cat5e (foiled twisted pair-ფოლირებული ხვეული წყვილი, კომპიუტერული ქსელის კაბელი) 4 წყვილიანი, შიდა გაყვანილობისთვის, AWG24 (თითოეული წვერის კვეთა 0.51±0.01 მმ) სპილენძის შემცველობა 20%, სიგრძე-305 მეტრი.	ცალი / ყუთი	6	1 050
2	ქსელის ტესტირის (შესაბამისი კვების წყაროთი / აკუმულატორით)	Cable Tester for RJ11/RJ12/RJ45 & BNC Master & remote unit, Suitable for Patch- and BNC cables Various LEDs for status: Loop-Back: localization of laid network cables Continuity: of network or communication cables; Open: disconnected single wires Shorts: short circuited single wires Miss-Wire: identification of non conform wire assignment,	ცალი	3	

3. შესყიდვის ობიექტის მიწოდების ვადა და ადგილი:

3.1 მიწოდების ვადა: ამ ტენდერით შესასყიდი საქონლის მიწოდება უნდა განხორციელდეს ხელშეკრულების გაფორმებიდან **არაუმეტეს 5 (ხუთი) სამუშაო დღის ვადაში**.

3.2 სავარაუდო მიწოდების ადგილი: შპს "სახელმწიფო კვებითი უზრუნველყოფის" საწყობი ან შპს "სახელმწიფო კვებითი უზრუნველყოფის" ოფისი ქ.თბილისის მასშტაბით, კონკრეტული მისამართი ეცნობება პრეტენდენტს ხელშეკრულების გაფორმებამდე.

3.3 აღნიშნულ ტენდერში მონაწილეობა იმავდროულად ნიშნავს, რომ პრეტენდენტი თანახმაა სატენდერო დოკუმენტაციის მე-3 მუხლის მოთხოვნათა სრულად დაცვით განახორციელოს საქონლის მიწოდება.

3.4 სატენდერო დოკუმენტაციის მე-3 მუხლში მითითებული საქონლის მიწოდების პირობები უცვლელად აისახება ტენდერში გამარჯვებულ პრეტენდენტთან გაფორმებულ ხელშეკრულებაში.

3.5 ტენდერის შედეგად გაფორმებულ ხელშეკრულებაში, მხარეთა შეთანხმებით, შესაძლებელია შეიცვალოს საქონლის მიწოდების პირობები, თუ ასეთი ცვლილება არ აუარესებს შემსყიდველის მდგომარეობას.

3.6 სახელშეკრულო ურთიერთობის სტადიაზე კომპანიის ოფისის, საწყობის მისამართის ან მიწოდების სხვა ადგილის ცვლილების შემთხვევაშიც მომწოდებელი ვალდებულია საქონლის მიწოდება განახორციელოს ახალ მისამართზე თბილისის მასშტაბით.

4. სატენდერო წინადადების ფასი.

4.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, მ.შ ტრანსპორტირების ხარჯი, საბაჟო მოსაკრებლები, მიწოდების ხარჯები და ყველა გადასახადების ჩათვლით.

4.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

5. ანგარიშსწორების პირობები.

5.1 ანგარიშსწორება მოხდება შემდეგი წესით: „მყიდველი“ „გამყიდველს“ გადაუხდის მიწოდებული საქონლის ღირებულებას სრულად ფაქტობრივად მიწოდებიდან და შესაბამისი დოკუმენტაციის გაფორმებიდან 10 (ათი) კალენდარული დღის ვადაში.

5.2 ანგარიშსწორების ფორმა - უნაღდო.

5.3 წინასწარი ანგარიშსწორება (ავანსი) არ განიხილება.

6. პრეტენდენტის მიერ ერთიან ელექტრონულ სისტემაში ასატვირთი მონაცემები:

6.1 კომპანიის რეკვიზიტები, სატენდერო დოკუმენტაციის დანართი N1_ის მიხედვით;

6.2 ფასების ცხრილი, სატენდერო დოკუმენტაციის დანართი N2_ის მიხედვით;

7. ფასწარმოქმნის ადეკვატურობის მოთხოვნა.

7.1 აღნიშნულ ტენდერში მონაწილეობა ფასწარმოქმნის ადეკვატურობის დასაბუთება, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. ფასწარმოქმნის ადეკვატურობა, შესაძლებელია დასაბუთდეს ანალოგიური ან მსგავსი შესყიდვის ობიექტის მიწოდებასთან დაკავშირებით პრეტენდენტის მიერ **გაფორმებული ხელშეკრულებით, ან ანგარიშფაქტურით, ან ზედნადებით, ან ინვოისით (მათ შორის უცხოური მწარმოებლის ინვოისი გაცემული პრეტენდენტის სახელზე, რომელიც უნდა იყოს ნათარგმნი და ნოტარიულად დამოწმებული), ან საბაჟო დეკლარაციით**, რომლებიც ადასტურებენ პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

7.2 ფასწარმოქმნის ადეკვატურობის დასაბუთებულობის ფარგლებში წარმოდგენილი დოკუმენტაცია დაზუსტებას არ ექვემდებარება.

7.3 ფასწარმოქმნის ადეკვატურობის დასაბუთების ფარგლებში წარმოსადგენი დოკუმენტების სისტემაში ასატვირთად სატენდერო კომისია პრეტენდენტს განუსაზღვრავს არაუმეტეს 5 (ხუთი) სამუშაო დღეს.

8. დამატებითი ინფორმაცია:

8.1 პრეტენდენტის მიერ გამარტივებულ ელ. ტენდერში მონაწილეობის მიღება (წინადადების წარმოდგენა) ნიშნავს, რომ იგი სრულად ეთანხმება შემსყიდველის გამარტივებული ელ. ტენდერის დოკუმენტაციით გათვალისწინებულ მოთხოვნებს.

8.2 ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები “მყიდველი”-სათვის.

8.3 აღნიშნული ტენდერისათვის და ტენდერის შედეგად გაფორმებული ხელშეკრულებისათვის საქართველოს სამოქალაქო კოდექსის 388-ე მუხლით გათვალისწინებული გარემოებები გამორიცხავს ხელშეკრულების პირობების მისადაგებას ეროვნული ვალუტის გაუფასურების / ვალუტის კურსის მნიშვნელოვნად ზრდის გამო, ასეთ დროს ეროვნული ვალუტის კურსის გაუფასურებით გამოწვეული რისკი ეკისრება დაზარალებულ მხარეს, შესაბამისად აღნიშნული მიზეზით ხელშეკრულების პირობების შეცვლის და ახალ გარემოებებთან მისადაგების მოთხოვნა დაუშვებელია მხარეთათვის.

8.4 იმ შემთხვევაში, თუ პრეტენდენტის მიერ ერთიან ელექტრონულ სისტემაში საბოლოო შეთავაზების ველში დაფიქსირებული ფასი არ ემთხვევა პრეტენდენტის მიერ სისტემაში ატვირთულ ფასთა ცხრილის ჯამს, უპირატესობა მიენიჭება უმცირესს.

8.5 ფასების ცხრილში ერთეულის ფასი გამოსახული უნდა იყოს არაუმეტეს მეთათხედის სიზუსტით. იმ შემთხვევაში თუ ფასების ცხრილში დაფიქსირებულია მძიმის შემდეგ 3 (სამ) სიმბოლოზე მეტი, ერთეულის ფასად ჩაითვლება მხოლოდ მძიმის შემდეგ სამი სიმბოლო.

8.6 იმ შემთხვევაში, თუ სატენდერო წინადადების წარდგენა ხდება დღგ_შ გარეშე და თუ პრეტენდენტი ხელშეკრულების გაფორმებისას იქნება დღგ_ს გადამხდელი ხელშეკრულებაში დაფიქსირდება დღგ_ს შესაბამისი თანხა.

პრეტენდენტის რეკვიზიტები

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული/ფაქტური მისამართი:
4. საიდენტიფიკაციო ნომერი:
5. პრეტენდენტის ტელეფონის ნომერი: ტელ: მობ:
6. ელექტრონული მისამართი (ელ. ფოსტა, ვებ. გვერდი):
7. საბანკო რეკვიზიტები:
 - ბანკის დასახელება:
 - ბანკის კოდი:
 - ანგარიშსწორების ანგარიში:

პრეტენდენტის ხელმოწერა, ბეჭედი

ფასების ცხრილი

№	საქონლის დასახელება	მწარმოებელი ქვეყანა	სასაქონლო მარკა/ბრენდი, მოდელი	განზ.	ერთ. ფასი დღგ-ს ჩავლით (ლარი)	ჯამური ღირებულება დღგ-ს ჩავლით (ლარი)	სულ ჯამური ღირებულება დღგ-ს ჩავლით (ლარი)
<u>1</u>	<i>ქსელის კაბელი</i>						
<u>2</u>	<i>ქსელის ტესტერი</i> (შესაბამისი კვების წყაროთი /აკუმულატორით)						

პრეტენდენტის ხელმოწერა, ბეჭედი

შენიშვნა: დანართ N2_ში მწარმოებლის, ბრენდის და მოდელის მითითება სავალდებულოა. აღნიშნული ინფორმაციის წარმოდგენლობა ძირითად დროშიც და დაზუსტების შედეგადაც გამოიწვევს პრეტენდენტის დისკვალიფიკაციას. ასევე ხართაღრიცხვის დაზუსტების შედეგად დაუშვებელია ბრენდის და მოდელის ცვლილება.

ხელშეკრულება № _____

გამარტივებული ელექტრონული ტენდერი SPA00000000 |

CPV [30200000]

ქ. თბილისი

2015 წლის -----

ხელშეკრულების მხარეები

შპს "სახელმწიფო კვებითი უზრუნველყოფა" წარმოდგენილი მისი დირექტორის მირანდა მანჯგალაძის სახით, (შემდგომში მოხსენიებული, როგორც "მყიდველი", ერთის მხრივ და / "" წარმოდგენილი მისი დირექტორის -----" სახით (შემდგომში მოხსენიებული, როგორც "გამყიდველი") მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. მხარეთა ძირითადი შეთანხმების შესახებ (ხელშეკრულების საგანი)

- 1.1. წინამდებარე ხელშეკრულების შესაბამისად "გამყიდველი" ვალდებულია "მყიდველს" მიაწოდოს დანართი #1-ში აღნიშნული კომპიუტერული ტექნიკისა და აქსესუარების (შემდგომში - საქონელი) "მყიდველისათვის" საჭირო რაოდენობითა და ამ ხელშეკრულებით განსაზღვრული წესით, ხოლო "მყიდველი" ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.
- 1.2. „გამყიდველი“ ვალდებულია „მყიდველს“ მიაწოდოს საქონელი ამ ხელშეკრულების დანართი #1-ში აღნიშნულ მისამართებზე განთავსებულ ობიექტებზე, მიღებული შეკვეთებიდან გამომდინარე.
- 1.4 საქონლის ერთეულის ფასი მოიცავს მიწოდების ყველა ხარჯს დანართი N1 ის მიხედვით, ასევე საქართველოს კანონმდებლობით დადგენილ ყველა გადასახადს.
- 1.6 ხელშეკრულების საფარული ღირებულება შეადგენს | 000000 () ლარს.

მუხლი 2. საქონლის შესაბამისობის შესახებ

- 2.1. "გამყიდველი"-ს მიერ "მყიდველისათვის" გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებს და "გამყიდველის" მიერ შემოთავაზებულ პირობებს.
- 2.2. "გამყიდველმა" "მყიდველს" მოთხოვნის შემთხვევაში მას უნდა გადასცეს საქონლის ხარისხის დამადასტურებელი დოკუმენტაცია მოთხოვნიდან არაუგვიანეს 5 (ხუთი) კალენდარულ დღეში .

მუხლი 3. მხარეთა უფლებამოსილებებისა და მოვალეობების შესახებ

- წინამდებარე ხელშეკრულებით, "გამყიდველი" ვალდებულია საქონელი "მყიდველს" მიაწოდოს ხელშეკრულებით განსაზღვრული წესით, "მყიდველისათვის" საჭირო რაოდენობით, ხოლო "მყიდველი" ვალდებულია მიიღოს წინასწარ შეკვეთილი საქონელი და მოახდინოს "გამყიდველთან" ანგარიშსწორება ხელშეკრულებით გათვალისწინებული პირობებით.
- 3.1. "გამყიდველი" ვალდებულია მიაწოდოს საქართველოში არსებული მოთხოვნების შესაბამისად მარკირებული საქონელი.
 - 3.2. "გამყიდველი" ვალდებულია დადგენილ ვადაში შემსყიდველის მოთხოვნის შემთხვევაში წარმოადგინოს მწარმოებლის მიერ გაცემული საბუთი (ხარისხის სერტიფიკატის, ლიცენზიის ასლები და სხვა შესაბამისობის დოკუმენტი), აუცილებლობის შემთხვევაში კი დაურთოს ისინი საქონელს.
 - 3.3. "მყიდველი" ვალდებულია მიიღოს წინასწარ შეკვეთილი საქონელი, მიღების მომენტში შეამოწმოს საქონლის ხარისხი, შეფუთვა და გარეგანი იერსახე.
 - 3.4. "მყიდველი" ვალდებულია "გამყიდველს" აუწყალოს მიწოდებული საქონლის ღირებულება ამ ხელშეკრულების მე-7 მუხლის შესაბამისად.
 - 3.5. "მყიდველი" ვალდებულია ამ ხელშეკრულებით დადგენილი წესით "გამყიდველს" აცნობოს ობიექტების რაოდენობის გაზრდის ან შემცირების შესახებ.
 - 3.6. მხარეები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სტრუქტურა და სხვა) გამჟღავნების დაუშვებლობას მესამე პირებისათვის.

მუხლი 4. საქონლის მახასიათებლების შესახებ (რაოდენობა და ხარისხი და გარანტია)

- 4.1. „გამყიდველი“ "მყიდველისათვის" საქონლის მიწოდებას უზრუნველყოფს მყიდველისათვის საჭირო ოდენობით. საქონლის სახეობების, დასახელებების ცვლილების შემთხვევაში "გამყიდველი" "მყიდველს" მიაწვდის შესაბამის დამატებით ინფორმაციას წერილობით.
- 4.2. "გამყიდველი" ვალდებულია მიწოდების დოკუმენტებში (ზედნაწიში) მიუთითოს მიწოდებული საქონლის მახასიათებელი და ფასები.
- 4.3. ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები "მყიდველი"-სათვის გარდა საქართველოს სამოქალაქო კოდექსის 387-ე მუხლით გათვალისწინებული შემთხვევისა.
- 4.4. მიწოდებული საქონლის მახასიათებელი და რაოდენობა უნდა შეესაბამებოდეს იმ ასორტიმენტს, რომელიც ნაჩვენებია მიწოდების დოკუმენტებში.

მუხლი 5. მიწოდებისა და დოკუმენტების შესახებ

- 5.1. "მყიდველი" შეარჩევს და მიიღებს, ან შეუკვეთავს და მიიღებს საქონელს თავისი მოთხოვნილებების და შესაძლებლობების შესაბამისად (რის ათვისებასაც შეძლებს შემდგომ მიწოდებამდე), ამიტომ "გამყიდველი" აცხადებს თანხმობას, რომ "მყიდველმა", შეიძლება არ შეიძინოს "გამყიდველის" მიერ შეთავაზებული საქონლის სრული სპექტრი თითოეულ შეკვეთაზე, რაც მითითებულია ხელშეკრულების დანართი #1-ში. "მყიდველს" შეუძლია "გამყიდველს" წინასწარ, სულ მცირე მიწოდებამდე 1 დღით ადრე მისცეს შეკვეთა მისთვის სასურველ საქონელზე და სასურველი ოდენობით. "გამყიდველი" ვალდებულია შესასრულოს "მყიდველის" შეკვეთა, შეკვეთის მიღებიდან არა უგვიანეს 24 საათის განმავლობაში. საქონლის შეკვეთა ხორციელდება ელ-ფოსტის ან კომუნიკაციის სხვა საშუალებით, რომელიც იძლევა "გამყიდველის" მიერ შეკვეთის მიღების დადასტურების საშუალებას.
- 5.2. საქონლის მიწოდება უნდა განხორციელდეს დღის განმავლობაში არაუგვიანეს 18.00 სთ-ისა. 18.00 სთ-ის შემდეგ "მყიდველი" უფლებამოსილია უარი თქვას საქონლის მიღებაზე.
- 5.3. ყოველი მიწოდებისას სასაქონლო ზედნაწილი (შემდგომში ზედნაწილი) ან/და ანგარიშ-ჟაქტურა უნდა გაფორმდეს საქართველოს კანონმდებლობის მოთხოვნათა შესაბამისად.
- 5.4. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, "მყიდველი" ატყობინებს აღნიშნულის შესახებ "გამყიდველს", რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 5.5. საქონლის ფაქტობრივი მიწოდება უნდა განხორციელდეს სასაქონლო ზედნაწილის გაფორმების დღეს.

მუხლი 6. საქონლის მიღება-ჩაბარების შესახებ

- 6.1. „მყიდველი“-ს წარმომადგენელ "გამყიდველი"-ს წარმომადგენლის თანდასწრებით უზრუნველყოფს საქონლის დათვალიერებას და გადმოცემა "მყიდველი"-ს საწყობში, ან სხვა მითითებულ ადგილას. მიწოდებული საქონლისათვის შენახვის პირობების შექმნა (განთავსება, ტემპერატურა, მზის სინათლისაგან დაცვა) წარმოადგენს "მყიდველის" ვალდებულებებს და უნდა შეესაბამებოდეს საქონლის შენახვისათვის დადგენილ პირობებს.
- 6.2. საქონლის მიღებისას, "მყიდველი" შეამოწმებს საქონლის რაოდენობის, მახასიათებლისა და ხარისხის შესაბამისობას წარდგენილ დოკუმენტებთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და "მყიდველი"-ს წარმომადგენლის ხელმოწერით ზედნაწილზე ან/და ა/ფაქტურაზე ან/და მიღება-ჩაბარების აქტზე. "მყიდველი" უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, ასორტიმენტი არ შეესაბამება მხარეთა შორის შეთანხმებულ პირობებსა, შეფუთვა, ხარისხი და ვარჯისიანობის ვადა არ შეესაბამება დადგენილ სტანდარტებსა და "გამყიდველის" მიერ შემოთავაზებულ პირობებს.
- 6.3. "მყიდველის" უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს "მყიდველის" უფლებამოსილი თანამშრომელი (მენეჯერი, საწყობის უფროსი, ფინანსური მენეჯერი, ბუღალტერი, ტექნიკური სამსახურის თანამშრომელი სხვა).
- 6.4. "გამყიდველის" უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს "გამყიდველის" უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

მუხლი 7. ანგარიშსწორების შესახებ

- 7.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 7.2. ანგარიშსწორება მოხდება შემდეგი წესით: "მყიდველი" "გამყიდველს" გადაუხდის მიწოდებული საქონლის ღირებულებას სრულად ფაქტობრივად მიწოდებიდან და შებამისი დოკუმენტაციის გაფორმებიდან 10 (ათი) სამუშაო დღის ვადაში.
- 7.3. თუკი 7.2. პუნქტში მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.
- 7.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, "მყიდველის" და "გამყიდველის" ან მათი წარმომადგენლების მიერ ხელმოწერილი სასაქონლო ზედნადები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.
- 7.5. "მყიდველისა" და "გამყიდველს" შორის ანგარიშსწორებამდე 5 (ხუთი) დღით ადრე უნდა მოხდეს ბუღალტრული ურთიერთშედარების აქტის შედგენა.

მუხლი 7. ხელშეკრულების შესრულების კონტროლის შესახებ

- 7.1. ხელშეკრულების შესრულების კონტროლს განახორციელებს:
- 7.1.1. შპს "სახელმწიფო კვებითი უზრუნველყოფის" ხარისხის მართვისა და მონიტორინგის სამსახურის უფროსი/თანამშრომელი ან/და დირექტორის მიერ გამოყოფილი შესაბამისი უფლებამოსილი პირი – "გამყიდველის" მიერ მიწოდებული საქონლის სახეობის, მახასიათებლის, შეფუთვის, ხარისხის კონტროლი, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან;
- 7.1.2. შპს "სახელმწიფო კვებითი უზრუნველყოფის" - სახელმწიფო შესყიდვებისა და ლოჯისტიკის დეპარტამენტის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან, შეკვეთის მიცემისა და შესრულების ვადების კონტროლი, მიწოდების ადგილი.
- 7.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
- 7.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი "მყიდველის" არჩევანის მიხედვით.

მუხლი 8. მხარეთა პასუხისმგებლობის შესახებ (რეკლამაცია)

- 8.1. იმ შემთხვევაში, თუ "მყიდველი", "გამყიდველს" არ გადაუხდის მიწოდებული საქონლის ღირებულებას ხელშეკრულებით დადგენილ ვადაში და ასეთი გადაუხდელობა გრძელდება "გამყიდველის" მიერ აღნიშნულის თაობაზე წერილობითი შეტყობინების გაგზავნიდან 10 (ათი) სამუშაო დღეზე მეტი ვადით, "გამყიდველი" უფლებამოსილია "მყიდველს" დააკისროს გადასახდელი ძირითადი თანხის 0,3 % ყოველი ვადაგადაცილებული დღეზე.
- 8.2. იმ შემთხვევაში, თუ "გამყიდველი" არ განახორციელებს შესასყიდი საქონლის მიწოდებას ხელშეკრულებით განსაზღვრულ ვადაში ან/და არ მომხდარა შეკვეთის კორექტირება "მყიდველის" მოთხოვნის მიუხედავად, "მყიდველი" უფლებამოსილია გამყიდველს დააკისროს ჯარიმა მისაწოდებულის საქონლის 1 %-ის ოდენობით ყოველ ვადაგადაცილებულ დღეზე.
- 8.3. თუ "მყიდველი" საქონლის მიღების შემდეგ, მიღებიდან არაუგვიანეს 5 (ხუთი) სამუშაო დღისა აღმოაჩენს, რომ მიღებული საქონლის რაოდენობა, მახასიათებელი ან ხარისხი არ შეესაბამება არსებულ სტანდარტებსა და მხარეთა შორის შეთანხმებულ პირობებს, "მყიდველი" უფლებამოსილია "მყიდველის" ხარისხის მართვისა და მონიტორინგის სამსახურის დასკვნის საფუძველზე საქონლის მიღებიდან არაუგვიანეს 5 (ხუთი) სამუშაო დღისა "გამყიდველს" წარუდგინოს რეკლამაცია (პრეტენზია) წერილობითი ფორმით ან/და ელ-ფოსტის მეშვეობით და დააკისროს პირგასამტეხლო 100 ლარის ოდენობით. ასეთი ფაქტის ყოველი განმეორების შემთხვევაში "მყიდველი" უფლებამოსილია დაარციხოს "გამყიდველი"-ს პირგასამტეხლო 150 ლარის ოდენობით. ამ ვადის გასვლის შემდეგ პრეტენზიები აღარ მიიღება.
- 8.4. "გამყიდველი" ვალდებულია რეკლამაციაზე დაუყოვნებლივ მოახდინოს რეაგირება, გამოსაწიროს მასში მითითებულ საქონელთან დაკავშირებული ხარვეზები (მოთხოვნები), მყიდველის მხრიდან რაიმე დამატებითი დანახარჯის გაღების გარეშე და გადაიხადოს დაკისრებული პირგასამტეხლო, ხოლო თუ რეკლამაცია მიიჩნევა უსაფუძვლოდ და დაუსაბუთებლად, შესაბამისი წერილობითი ფორმით აცნობის "მყიდველს" არაუგვიანეს რეკლამაციის მიღებიდან 1 (ერთი) სამუშაო დღის ვადაში. შეუთანხმებლობის შემთხვევაში "გამყიდველი" უფლებამოსილია საკუთარი ხარჯით მიმართოს შესაბამის უფლებამოსილ პირს/ორგანოს (სპეციალისტი, ექსპერტი), წუნდების მიზეზების გამოსარკვევად. დადგენილი ვადის გასვლის შემდეგ პრეტენზიები აღარ მიიღება.
- 8.5. "მყიდველი" უფლებამოსილია "გამყიდველისათვის" პირგასამტეხლოს დარიცხვის შემთხვევაში, ანგარიშსწორებისას, "გამყიდველს" გამოუქციოს პირგასამტეხლოს ოდენობა, რაც ჩაითვლება "გამყიდველის" მიერ დაკისრებულ პირგასამტეხლოს გადახდად.
- 8.6. იმ შემთხვევაში, თუ "გამყიდველის" მიერ მიწოდებული საქონელი აღმოჩნდება უხარისხო ან/და დადგენილ ნორმაზე ნაკლები, რაც დასტურდება შესაბამისი უფლებამოსილი პირის (ექსპერტი, სპეციალისტი) მიერ და რის გამოც "მყიდველს" კვებითი მომსახურების შემსყიდველმა მხარემ დაეკისრა პირგასამტეხლო, "მყიდველი" უფლებამოსილია რეგრესის წესით მოითხოვოს "გამყიდველისაგან" ზიანის ანაზღაურება, დაკისრებული პირგასამტეხლოს ოდენობით.

მუხლი 10. ხელშეკრულების შესრულების შეფერხების შესახებ

- 10.1. თუ ხელშეკრულების შესრულების პროცესში მხარეები წაწყვედიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამოწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 10.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

მუხლი 11. ფორს-მაჟორის შესახებ

- 11.1. ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაუალახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.
- 11.2. მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.
- 11.3. მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.
- 11.4. წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.
- 11.5. თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

მუხლი 12. ხელშეკრულების მოქმედების ვადის შესახებ

- 12.1. წინამდებარე ხელშეკრულება ძალაში შედის ხელმოწერის მომენტიდან.
- 12.2. ხელშეკრულება მოქმედებს **2015 წლის | ——— ჩათვლით.**
- 12.3. ხელშეკრულება ერთ-ერთი მხარის წერილობითი განცხადებით შეიძლება შეწყდეს ვადად შემდეგ შემთხვევებში:
- (ა) მხარეთა შეთანხმებით ნებისმიერ დროს; (ბ) მყიდველის მიერ 5 (ხუთი) კალენდარული დღით ადრე წერილობითი შეტყობინების გაგზავნის შემთხვევაში; ხელშეკრულება ვადად შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ. (გ) "მყიდველმა" შეწყვიტა, ან შეაჩერა თავისი საქმიანობა; (დ) მიმდინარეობს "მყიდველის" ან "გამყიდველის" გადახდისუუნარობის საქმის წარმოება; (ე) "გამყიდველი" სისტემატურად (2-ჯერ ან მეტჯერ) არღვევს თავისი მოვალეობებს; (ზ) "მყიდველმა" ანგარიშსწორების განხორციელების ვადას გადააგვილა 20 (ოცი) კალენდარულ დღეზე მეტი ვადით; (თ) "გამყიდველმა" არაერთგზის (2-ჯერ ან მეტჯერ) დაარღვია ხელშეკრულების პირობები

12.4 ხელშეკრულების ვადის გასვლით ან ვადამდე შეწყვეტის შემთხვევაში "მყიდველი" ვალდებულია ხელშეკრულების შეწყვეტის ძალაში შესვლიდან 20 (ოცი) კალენდარული დღის განმავლობაში სრულად გადაიხადოს (დაფაროს) "გამყიდველის" წინაშე არსებული დავალიანება.

მუხლი 13. დასკვნითი დებულებების შესახებ

- 13.1 მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 13.2 წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 13.3 „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა "ხელშეკრულების" შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 13.4 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 13.5 წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 13.6 ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.
- 13.7 „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა "ხელშეკრულებით" (მათ შორის ბათილი დებულებით) გათვალისწინებული მიზანი.
- 13.7 მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 13.8 იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქაღალდზე და ხელმოწერილი ამისათვის უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონისა ან ფაქსის საშუალებით.
- 13.10 მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე "მყიდველის" მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 13.11 გამყიდველი ადასტურებს, რომ მას ჩაბარდა ხელშეკრულება მისი დანართებითურთ.
- 13.12 გამყიდველი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 13.13 მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.
- 13.14 პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს სამოქალაქო საპროცესო კოდექსის 267-ე მუხლის მე-11 პუნქტის შესაბამისად.
- 13.15 წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის გადასაცემად. ორივე ეგზემპლარი იდენტურია და გააჩნიათ თანაბარი იურიდიული ძალა.

14. მხარეთა რეკვიზიტები და ხელმოწერები:

მყიდველი	გამყიდველი
შპს „სახელმწიფო კვებითი უზრუნველყოფა“	„/ “
საიდენტიფიკაციო კოდი:	საიდენტიფიკაციო კოდი:
მისამართი: ქ.თბილისი,	მისამართი:
ბანკის დასახელება:	ბანკის დასახელება:
ბანკის კოდი:	ბანკის კოდი:
ანგარიშისნომერი:	ანგარიშის ნომერი:
საკონტაქტო ტელეფონი:	საკონტაქტო ტელეფონი:
დირექტორი: მირანდა მანჯაგალაძე	დირექტორი:
ხელმოწერა: -----	ხელმოწერა: [-----]